

Загъсн дотр загъсн угагъар

Мана республикин, Каспийск район—загъс анъндж государствд орулдж ъгдг дееран, тер бърсн загъсан эд-бод кедг загъсна комбинаттагъинь цугтан меднә.

Тегәд загъс анъндг газрт селәлсн цуг әмтс ик бичкн уга тенъгст йовцхана. Зәрм-снь мал асрлгъна, тәрәнә болн нань чигн газрин кѡдлмш кедгт олн улс бәәцхәнә. Тер дотр эврәннь ъссн-боссн газрурн нүѡдж ирджәх хальмг әмтс эн тәрәнә, малин халхар кѡдлдгнь олн.

Каспийск райпо керг кедж лавксарн дамджулдж олн дунд ямаран чигн загъс хулдх санан уга. Ёлгүрлхд, Рыжков селәнд бәәсн лавкд хойр джилн эргцд шин загъс биш, нам джирмәхә чигн ѡзулдж хулдад уга. Эн селәнд бәәсн улс шин загъс хулдж авх

ик санан бәәв чигн, аргъ уга. Нам селәнд биш, района центр—Каспийск деер бас шишлнъ мах-темс хулддг 12-ч номертә магазинд хатсн давста хадрнас талин загъсн уга. Шинәр, экл давс орулсн болн кѡрә загъсд хулддж чәдх аргъ райпод бәәнә. Болв зѡвинь келхд, райпод гардвр тату болсар загъс хадгълдг газр уга, тегәд чигн бәәсн невчкн атлантическ мәәгъән халунас әәгъәд, серүн болхиг күләгъәд, хулдл уга бәәхнь лавта.

Пайшикүд, тер дотр Рыжков селәнд бәәх әмтс, адг ядхдан давста хатсн хадрнан чигн авч ирдж лавкдан гүулгхинь райпон гардачрнас күләгъә.

А. МИХАЙЛОВ.